

Bibel fa Kjinja

brinj't junt

Jesus stelt daut stormje Mää




Jeschräwen von: Edward Hughes
Jemolt von: Janie Forest
Alastair Paterson
Toom Pauss jestalt von: Ruth Klassen
Äwasat von: Ed Zacharias
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.


Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



Jesus un siene
Jinja wieren en
een Boot aus een
groota Storm opp
kjeem. Daut
Galiläische Mää
kjrieech groota
Walen. Doa wia
groota Jefoa fa
daut Schepp un
de Menschen.

De Jinja enjsten sikj sea. De Walen schluagen em Schepp nenn. Oba Jesus schleep ruich opp sien Kjessen en däm Storm. De Jinja wuaken Jesus un

säden,
"Meista,
wie kome
hia om!"




3

"Wuarom hab jie soo angst? Woo hab jie soonen kjlienen Gloowen?" fruach Jesus. Jesus beschwicht dän Wint un daut toobende Wota ...



4

UN DE WINT LEET NO ... UN DAUT WOTA WORT STELL. De Jinja staunden un säden, "Wää es dit? Soogoa de Storm un de Walen jehorchen am!"




5

Eenen aundren Dach haud Jesus daut sea drock. Mea aus 5000 Menschen wieren met am no eene eensome Städ jegonen. Met Gott siene Help jeef hee aul dee to äten von waut een kjliena Jung met sikj haud. Nu wia daut Owent jeworden un hee schekjt de Lied nohus.




6

De Jinja musten uk veloten. Jesus säd see sullen met een Boot, ver am, no de aundre Sied von daut Galiläische Mää foaren.



7




Aus dee aula wajch-jegonen wieren, jinkj Jesus opp eenen Boajch bäden. Daut wort Owent; hee wia auleen.

8



Oppem Mää kjeem
een Wint opp, soo
daut de Jinja nich
wieda kjeemen,
wan see uk
Stunden
roodelden.
Dan wort
waut,
waut see
nienich
jedocht
haudden.

9




Ea daut aunfunk
dach to woaren,
tweschen Klock
dree un Klock sass,
sagen see waut
medden oppem
Mää. See grulden
sikj sea un fruagen
sikj, auf daut een
Jespanst wia. Oba
daut wia Jesus, äa
Liera un Har, dee
oppem Wota no an
jegonen kjeem.

10

"Fercht junt nich.
Dit sie ekj," roopt
Jesus to an.
Petrus säd, "Har,
wan du daut best,
dan saj ekj saul
oppem Wota no die
komen." Un Jesus
säd, "Komm."
Petrus staupt rut
un jinkj no am
opptoo.



11




Oba aus Petrus
de Walen sach,
enjt hee sikj,
un funk aun to
sinkjen. "Har
halp mie,"
schrieech hee.

12



Fuaz rieekjt Jesus siene
Haunt no am un kjrieech
Petrus to hoolen. "Mensch,
du hast een kjlienen Gloowen.
Wuarom twiewelsd du?" säd
Jesus. Un aus Petrus un
Jesus em Boot stieejen wort
de Wint stell.

13



Dee waut em Boot
wieren kjeemen un
bäden am aun un
säden, "Du best
woarhaftich
Gott sien Sän."

14

Jesus stelt daut stormje Mää

Eene Jeschicht von en daut Wuat Gottes,
de Bibel

finjt eena en

Matäus 8, Matäus 14, Markus 4, Lukas 8


"Wan dien Wuat openboat woat,
jeft daut Licht." Psalm 119:130

15

48

60

16



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

17